

PROCESVERBAL- Tipi i kontratës - Shërbime

**PËR ARGUMENTIMIN DHE MIRATIMIN E SPECIFIKIMEVE TEKNIKE DHE
KRITEREVE PËR KUALIFIKIM**

(Ky procesverbal është për efekt publikimi bashkë me dokumentet e tenderit)

OBJEKTI I PROCEDURËS:

“Mirëmbajtje e Web dhe shërbim për dy vjet”

KODI PËRKATËS NË FJALORIN E PËRBASHKËT TË PROKURIMIT (CPV):

- 72267000-4 - Shërbimet e mirëmbajtjes dhe riparimit të sistemeve

VLERA E FONDIT LIMIT:

1,800,000.00 (një milion e tetëqind mijë) Lekë pa TVSH.

Në bazë të nenit 21, pika 2, të Ligjit nr.162/2020 “Për prokurimin publik”, nenit 2, pika 2/c dhe nenit 78, pika 2, të VKM nr. 285, datë 19.05.2021 “Për miratimin e rregullave të prokurimit publik” i ndryshuar, autoriteti/enti kontraktor **Bursa Shqiptare e Energjisë Elektrike - ALPEX sh.a** ka hartuar procesverbalin për argumentimin dhe miratimin e specifikimeve teknike dhe kriterëve për kualifikim për procedurën e sipërcituar, me përmbajtjen si më poshtë:

I. KRITERET E VEÇANTA TË KUALIFIKIMIT

1. Kandidati/ofertuesi duhet të dorëzojë:

- a. *Formularin Përmbledhës të Vetëdeklarimit, sipas shtojcës 9;*
- b. *Sigurimin e Ofertës, sipas Shtojcës 3.*

Argumentimi: *Kërkesat e mësipërme bazohen në nenet 76, 82 dhe 83 të LPP, nenit 26, të VKM Nr. 285, datë 19.05.2021 “Për miratimin e rregullave të prokurimit publik”, i ndryshuar.*

2. Kandidati/Ofertuesi duhet të dorëzojë:

2.1. Përshtatshmëria për të kryer veprimtarinë profesionale: u arsyetua që OE duhet të paraqesë Formularin Përmbledhës të Vetëdeklarimit si dhe Sigurimin e Ofertës, në ditën e hapjes së ofertës sipas Shtojcës 9 dhe Shtojcës 3 përkatësisht.

Argumentimi: *Kërkesa e mësipërme bazohet në nenin 77, pika 1/a dhe nenin 82 të LPP, nenit 26 të VKM nr. 285, datë 19.05.2021 “Për miratimin e rregullave të prokurimit publik”, i ndryshuar.*

2.2 Në lidhje me kapacitetin ekonomik dhe financiar:

2.2.1 *Në përmbushje të kapacitetit ekonomik dhe financiar, operatori ekonomik ofertues duhet të ketë realizuar xhiro minimale vjetore, në një vlerë të paktën prej 720,000.00 (shtatëqind e njëzetë mijë) Lekë pa TVSH, gjatë tre viteve të fundit financiare, nga data e shpalljes së njoftimit të kontratës.*

Ky kriter konsiderohet i përmbushur nëse OE ofertues arrin vlerën e xhiros minimale, në të paktën një vit të periudhës së kërkuar.

Si provë për plotësimin e këtij kriteri kualifikues, operatori ekonomik ofertues duhet të paraqesë kopje të deklarates të xhiros vjetore të realizuar nga operatori ekonomik.

Argumentimi: Kërkesa e mësipërme është përcaktuar bazuar në vlerën e fondit limit të kësaj procedure, si dhe bazuar në nenin 77, pika 3 të LPP, si dhe nenin 55, pika 4 të VKM nr. 285, datë 19.05.2021 “Për miratimin e rregullave të prokurimit publik”, i ndryshuar.

Përcaktimi i vlerës së kërkuar argumentohet si më poshtë:

Duke marrë në konsideratë shërbimet objekt i procedurës së prokurimit, kërkohet që OE ofertues të provojë se disponon kapacitetet e nevojshme ekonomike dhe financiare për ta realizuar atë në kohë dhe në përputhje me termat e referencës të kërkuara. OE ofertues duhet të ketë disponibilitetin e duhur ekonomik dhe për këtë qëllim, është argumentuar se vlera e xhiros duhet të jetë në vlerën 720,000.00 (shtatëqind e njëzetë mijë) Lekë pa TVSH gjatë tre viteve të fundit financiare. Vendosja e këtij kriteri është bërë me qëllim që ti shërbejë autoritetit kontraktor për njohjen e gjendjes dhe kapaciteteve të operatorëve ekonomikë, të cilët nëpërmjet dokumentacionit të paraqitur duhet të vërtetojnë se zotërojnë kapacitetet e nevojshme në funksion të realizimit me sukses të kontratës.

2.3 Përsa i përket aftësive teknike dhe profesionale të operatorëve ekonomik, u arsyetua që ofertuesi duhet të tregojë se i zotëron këto aftësi dhe është në gjendje ta kryejë kontratën objekt prokurimi. Në lidhje me këtë u arsyetua dhe argumentua se Operatori Ekonomik duhet të përmbushë kërkesat e mëposhtme:

2.3.1 *Operatori ekonomik ofertues duhet të ketë realizuar gjatë tre viteve të fundit nga data e shpalljes së njoftimit të kontratës, kontrata të ngjashme me një vlerë jo më të vogël se 360,000.00 (treqind e gjashtë mijë) lekë.*

- *Kur OE ka realizuar kontrata me një ent publik, kërkohen vërtetime të lëshuara nga ky i fundit, për përmbushjen me sukses të kontratës, ku të shënohen vlera, afati i përfundimit të kontratës ose/dhe fatura tatimore të shitjes, të plotësuara sipas kërkesave të legjislacionit në fuqi, ku shënohen datat, shumat dhe sasi të mallrave të furnizuara.*
- *Në rastin e përvojës së mëparshme të realizuar me sektorin privat, si dëshmi pranohen vetëm fatura tatimore të shitjes, të plotësuara sipas kërkesave të*

legjislacionit në fuqi, dhe të deklaruara në organet tatimore, ku shënohen datat, shumat dhe sasisë e mallrave/shërbimeve të furnizuara.

Argumentimi: Kërkesa e mësipërme është përcaktuar bazuar në nenin 77 të Ligjit Nr. 162, datë 23.12.2020 “Për prokurimin publik” dhe nenin 55 pika 4/ b) të VKM Nr. 285, datë 19.05.2021 “Për miratimin e rregullave të prokurimit publik”, i ndryshuar. Me anë të këtij kriteri kërkohet që operatorët ekonomikë të dëshmojnë që kanë përvojën e nevojshme për të zbatuar kontratën, prandaj është kërkuar që shërbimet e mëparshme të ngjashme të jenë në vlerën jo më pak se 20 % të vlerës së fondit limit, që është brenda vlerës kufi të përcaktuar në nenin e sipërcituar.

Përcaktimi i vlerës së kërkuar për kontratat e ngjashme argumentohet si më poshtë:

Duke marrë në konsideratë shërbimet objekt procedure prokurimi, është menduar se vlera e kërkuar që OE ofertues të ketë bërë me kontrata të ngjashme, të jetë limiti maksimal në mënyrë që AK të ketë sigurinë dhe besueshmërinë që OE ofertues mund të realizojë kontratën objekt prokurimi pa patur pengesa të ndryshme që do të ndikonin në ecurinë e punës së AK, si dhe do të kompromentonin veprimtarinë e AK, në përputhje me detyrimet e tij ligjore dhe rregullatore.

2.3.2 *Operatori Ekonomik ofertues duhet të ketë numrin e nevojshëm të punonjësve për realizimin dhe zbatimin e kontratës.*

Operatori Ekonomik duhet të disponojë në stafin e tij të paktën 3(tre) inxhinierë informatik ose programues ose Web designer/developer. Për të vërtetuar këtë, operatori duhet të paraqesë listëpagesën e fundit, kontratën e punës, së bashku me diplomën përkatëse.

Operatori Ekonomik gjithashtu duhet të vërtetojë njohurinë e stafit përgjegjës për:

- *sigurinë në internet*
- *shërbimet e dizanjit dhe photoshop*
- *shërbimet e serverave.*

Për të vërtetuar këtë, operatori duhet të paraqesë certifikatat përkatëse të këtyre personave. Një person mund të ketë një ose më shumë certifikime.

Lidhur me këtë pikë operatori ekonomik ofertues duhet të disponojë listëpagesat përkatëse E-Sig.

Për pikën si më sipër operatorët ekonomik ofertues duhet të paraqesin formularin e vetëdeklarimit sipas shtojcës Nr. 9.

- Për stafin që nuk disponohet në listëpagesa, të dorëzohet kontrata e bashkëpunimit ose çdo formë ligjore e marrëveshjes me personin që përmbush certifikimin e kërkuar, e vlefshme, për periudhën e ekzekutimit të kontratës.

Ndërsa operatori ekonomik fitues duhet të dorëzojë pranë AK, përpara publikimit të njoftimit të fituesit, të gjithë dokumentacionin provues të kërkuar si më sipër.

Shenim: Në plotësimin e “Formularit përmbledhës të vetëdeklarimit”, në pikën B “Deklaratë për disponimin e punonjësve dhe makinerive të nevojshme (nëse kërkohen)”, OE ofertues duhet të shënojë në mënyrë të saktë, kualifikimet përkatëse të punonjësve. Këto deklarime do të shqyrtohen kur OE ofertues do të paraqesë dokumentet origjinale ose kopje të noterizuara për punonjësit, pas shpalljes fituese të ofertës. Keqinformimi dhe deklarimi i rremë me qëllim kualifikimin e ofertës, në mënyrë të padrejtë, sanksionohet nga pika 1/a, të nenit 78 “Përjashtimi për një periudhë të caktuar nga Agjencia e Prokurimit Publik”, të Ligjit Nr. 162, datë 23.12.2020 “Për prokurimin publik”.

Argumentimi: Kërkesa për stafin e nevojshëm për kryerjen e shërbimit objekt procedure prokurimi bazohet në pikën 4, të nenit 77, të Ligjit Nr. 162, datë 23.12.2020 “Për prokurimin publik” dhe pikën 4/c, të nenit 41 të VKM Nr. 285, datë 19.05.2021 “Për miratimin e rregullave të prokurimit publik”, i ndryshuar. Ky numër punonjësish konsiderohet optimal për shërbimin e kërkuar objekt kontrate, shpjeguar si vijon:

- 1 (një) punonjës të certifikuar për sigurinë në internet

Me qëllim përmbushjen sipas kërkesave të objektit të prokurimit, është i domosdoshëm një punonjës i certifikuar për sigurinë në internet, me qëllim të ruhet informacioni i cili përditësohet në faqe, për shkak të karakterit të tij sensitiv dhe tregtar për ALPEX.

- 1 (një) punonjës të certifikuar shërbimet e dizanjit dhe photoshop

Kjo kontratë kërkon domosdoshmërisht një punonjës të certifikuar për shërbimet e dizanjit dhe photoshop, për shkak të nevojës për ndryshim të dizanjit, grafikëve apo mënyrës së pasqyrit të informacionit, të cilat publikohen në faqen e Web të ALPEX.

- 1 (një) punonjës të certifikuar për shërbimet e serverave.

Kjo kontratë kërkon domosdoshmërisht një punonjës të certifikuar për shërbimet e serverave, me qëllim ruajtjen e të gjithë informacionit dhe databazës së faqes Web të ALPEX, duke qënë se OE kërkohet të hostojë vetë faqen e Web të ALPEX.

2.3.3 *Operatori ekonomik ofertues që do të realizojë këtë kontratë, duhet të jetë i pajisur dhe të paraqesë certifikatën përkatëse të vlefshme ISO, të lëshuar nga organizmat e vlerësimit të konformitetit, të akredituara nga DPA, ose organizma ndërkombëtare akreditues të njohur nga Republika e Shqipërisë, si më poshtë:*

- ISO 9001: për sistemin e menaxhimit të cilësisë
- ISO 27001: për menaxhimin e sigurisë së informacionit

Argumentimi: Ky kriter u vendos në përputhje me parashikimet e nenit 77 dhe 79 të Ligjit Nr. 162, datë 23.12.2020 “Për prokurimin publik”, si dhe nenit 44, të VKM-se Nr. 285, datë 19.05.2021 “Për miratimin e rregullave të prokurimit publik”, i ndryshuar, si dhe në bazë Ligjit

Nr. 116/2014 “Për akreditimin e organeve të vlerësimit të konformitetit në Republikën e Shqipërisë”, të ndryshuar, ku përcaktohet se këto Çertifikata duhet të jenë të lëshuara nga organizma çertifikues të akredituar, me qëllim që enti prokurues të krijojë sigurinë që operatorët ekonomik ofertues i kanë kapacitetet teknike lidhur aftësinë e tyre për të kryer shërbimin objekt kontrate. Me anën e këtij kriteri (standartit ISO 9001; ISO 27001) synohet që të njihet aftësia e operatorit për të ofruar punë që plotësojnë kërkesat e Autoritetit Kontraktor, si dhe kërkesat e zbatueshme ligjore dhe rregullatore sipas standardeve më të larta.

- **Standardi i cilësisë ISO 9001:** është sot referimi i njohur në nivel ndërkombëtar, për certifikimin e sistemit të menaxhimit të cilësisë të kompanive të të gjithë sektorëve dhe të gjithë përmasave. Ky kriter kërkohet nga AK me qëllim për të vërtetuar cilësinë e shërbimit dhe të garantojë realizimin në kohë, me sukses dhe me cilësi sipas standardeve ndërkombëtare të objektit të kontratës.
- **Standardi i cilësisë ISO 27001:** siguron që operatori ekonomik aplikon, mirëmban dhe përmirëson në mënyrë të vazhdueshme një përfaqje sistematike në menaxhimin e informacionit sensitiv me fokus tek siguria. Për shkak të rëndësisë së veçantë që ka AK, posaçërisht në sistemin elektro-energjitik, gjykohet se informacioni duhet mbrojtur, duke qënë se OE do të hostojë vetë faqen e Web të ALPEX. Çertifikimi sipas kësaj kategorie konfirmon ekzistencën dhe funksionimin e kontrolleve të OE ofertues dhe i jep sigurinë e nevojshme AK.

2.3.4 *Operatori ekonomik duhet të jetë i regjistruar pranë regjistrit të AKEP, për ofrimin e shërbimit dhe për të vërtetuar këtë duhet të paraqesë dokumentin përkatës/licensën e shoqërisë.*

Argumentimi: Ky kriter është menduar për ti dhënë sigurinë AK që OE ofertues do të paraqesë një shërbim i cili përmbush kërkesat e termave të referencës dhe është në përputhje me to. Kriteri i kërkuar në lidhje me regjistrimin pranë AKEP është vendosur në përputhje me pikën 4/a) të Nenit 41 të VKM Nr. 285, datë 19.05.2021 “Për miratimin e rregullave të prokurimit publik”, i ndryshuar.

2.3.5 *Operatori ekonomik duhet të disponojë AS Number dhe të ofrojë route për AS Number protokollin BGP. Operatori ekonomik duhet të disponojë AS të regjistruar pranë RIPE NCC dhe të paraqesë vërtetimin përkatës për këtë.*

Argumentimi: Kërkesa e mësipërme bazohet në pikën 2, të nenit 77 të Ligjit Nr. 162, datë 23.12.2020 “Për prokurimin publik”. Për më tej ky kriter bën të mundur një kordinim administrativ dhe teknik të nevojshëm për të mundësuar funksionimin dhe aksesin e vazhdueshëm të shërbimeve të kërkuara nga AK.

2.3.6 *Në funksion të plotësimit të Shtojces 9 “Formulari përmbledhes i vetëdeklarimit” Operatori Ekonomik ofertues duhet të japë të dhëna të qarta si Emër, Mbiemër, Atësi, Amësi, Datëlindje, Vendlindje, Numër Personal, si dhe kopje të skanuar të dokumentit*

të identifikimit (shqiptar ose të huaj), për Administratorin/Administratorët e shoqërisë, Ortakun/Ortakët e shoqërisë, përfaqësues të ndryshëm të posaçëm të shoqërisë, drejtues të ndryshëm të shoqërisë.

Argumentimi: Ky kriter vendoset referuar njoftimit të përbashkët Nr. 1155 prot, datë 01.02.2019, të Agjencisë së Prokurimit Publik dhe të Ministrisë së Drejtësisë Nr. 1001/1 prot, datë 01.02.2019, sipas parashikimeve të nenit 76/1 dhe nenit 82 të Ligjit Nr. 162, datë 23.12.2020 “Për prokurimin publik”, Autoriteti Kontraktor ALPEX sh.a ka detyrimin e verifikimit të personave të cilët janë në cilësinë e anëtarit të organit administrativ, drejtuesit ose mbikëqyrësit, aksionerit ose ortakut, ose ka kompetenca përfaqësuese, vendimmarrje ose kontrolluese brenda operatorit ekonomik. Per këtë arsye, verifikimi i këtyre personave kërkon të dhëna të sakta si emër, mbiemër, atësi, amësi, vendlindje, datëlindje e numrin personal të personit.

Të gjitha dokumentet duhet të jenë origjinale ose kopje të noterizuara. Rastet e mosparaqitjes së një dokumenti, ose dokumente false dhe të pasakta, konsiderohen kushte për skualifikim.

Shënim:

- i. Në respekt të nenit 36, të Ligjit Nr. 162, datë 23.12.2020 “Për prokurimin publik”, në të gjithë rastet në kur dokumentet e tenderit përmendet “markë” përfshihet termi “ose ekuivalenti i tij/saj”.*
- ii. Në plotësimin e “Formularit përmbledhës të vetëdeklarimit”, në pikën “Deklaratë për disponimin e punonjësve dhe makinerive të nevojshme (nëse kërkohen)”, OE ofertues duhet të shënojë në mënyrë të saktë, si provë paraprake: degën e studimeve të punonjësit, si dhe profilin përkatës të diplomës (nëse ka), si dhe emërtimet e certifikimeve/trajnimeve përkatëse, si dhe mjetet dhe makineritë që disponon për plotësimin e kriterëve të veçanta të kualifikimit. Këto deklarime do të shqyrtohen kur OE ofertues të paraqesë dokumentet origjinale ose kopje të noterizuara për punonjësit, pas shpalljes fitues të ofertës. Keqinformimi ose deklarimi i rremë me qëllim kualifikimin e ofertës, në mënyrë të padrejtë, sanksionohet nga pika 1/a e nenit 78 “Përjashtimi për një periudhë të caktuar nga Agjencia e Prokurimit Publik” të ligjit Nr. 162, datë 23.12.2020 “Për prokurimin publik”.*

Argumentimi i termave të referencës

Termat e Referencës, janë hartuar duke marrë në konsideratë nevojat e Autoritetit Kontraktor, për mallrat dhe shërbimet objekt procedure prokurimi, duke përllogaritur sasishtë e nevojshme, karakteristikat e duhura dhe standardet e duhura kombëtare dhe ndërkombëtare, sipas parashikimeve të nenit 36, të Ligjit Nr. 162, datë 23.12.2020 “Për prokurimin publik”.